



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 九五

鈍翁前後類藁六十二卷鈍翁續藁五十六卷（鈍翁續藁卷三十七

至卷五十六）汪琬撰

一

清風堂文集二十三卷附墓誌銘一卷 曾王孫撰

一六七

草亭文集不分卷草亭詩集不分卷 彭任撰

三九五

石松堂集八卷 余為霖撰

五〇一

萊山詩集八卷附行狀一卷 章金牧撰

七二三

鈍翁續彙卷三十七目錄

列傳卷七

何文輝

徐司馬

郭雲

王銘

武德張鑑附

王溥

李伯昇

鈍翁續彙卷三十七目錄

鈍翁續彙卷三十七目錄終

擬明史列傳卷七

別彙七

何文輝傳

何文輝字德明滁州人元帥世隆之孫年十三太祖撫爲己子冒朱姓及長授總制尋以天寧翼元帥使守宣州頗著聲望久之擢江西行省參政敗攻討江西未下州縣新塗鄧仲廉負固率兵往克其城禽斬之遂以參政從取淮東復從破平江賜綵段表裏進行省左丞復姓何氏以征南副將軍與平章胡廷美由江西路進取福建師度杉關入光澤縣徇下邵武建陽竟趨建寧元同僉達里麻用其參政陳子琦謀閉城距守文輝與廷美環四面攻之踰十日達里麻不能支夜潛至文輝營乞降詰旦總管翟也先不驁亦率衆降於文輝於是廷美怒兩人之不詣己也欲屠其城文輝馳告廷美曰與公同受命至此爲安百姓計耳今旣降矣柰何以私忿殺人廷美乃止師入城秋豪無所犯惟檻子琦送京師由是汀泉諸州縣聞之皆相次歸附文輝功居多會車駕幸河南召文輝扈從旣至汴梁命爲河南衛指揮使畱守河南遂以指揮從大將軍北取陝西所至皆有功檄守潼關擢大

都督府都督僉事予世襲指揮使復以參將從平蜀賜白金綵段要命畱守成都文輝號令明肅軍民皆德之遷大都督府同知踰三年移鎮北平又移鴈門以疾召還卒於家帝稱文輝謀略遠威望凜然遣營葬滁州東沙河上卹資甚厚子環成都護衛指揮使征韃靼殲國初多畜義子與諸將士分守諸路故用周舍守鎮江道舍守宣州馬兒守婺州柴舍眞童守處州金剛奴守衢州皆義子也周舍者沐英故軍中又皆嗜沐舍馬兒者徐司馬柴舍者朱文剛文剛與胡大海耿再成死處州之難而道舍卽文輝也其人率皆以功名顯惟眞童金剛奴無考又有朱文遜者亦以義子前死無爲州史不言其小字云

徐司馬傳

徐司馬字從政揚州人元末兵亂年甫九歲弃道傍太祖得之因養爲子名馬兒旣長出入侍左右及取婺州除總制命助元帥常遇春守禦吳元年授金華衛指揮同知洪武元年從副將軍李文忠北伐禽故元宗王慶生擢杭州衛指揮使尋進都指揮使詔復徐姓九年遷鎮河南是時南北兩京

續彙卷三十七

三

竝建汴梁號國家重地帝繫賢司馬故特從正任之於是宋國公馮勝方往河南鍊兵會星象有變術者以爲占在大梁乃使使者齎敕誠勝且曰并以此語馬兒知之爲帝所親暱如此旣而復敕勝與司馬曰天象屢見不可不警大梁軍民籍處尤宜戍防今秦晉二王還京當嚴兵宿衛王抵汴之時若宋國公出還則都指揮居守都指揮出還則宋國公亦然爾其夙夜小心無忽敕中皆官而不名其兒倚重益略與宋公埒十九年入覲遂擢中軍都督府僉事二十五年率師討越嵩其明年還至成都以疾卒司馬故好文學遇人無貴賤率溫溫謙厚所至能拊循士卒拯恤其貧苦甚得衆心其在浙東河南尤有惠政結納士大夫無所不傾公暇退居一室相與講論終日蕭然如寒素者比雖戰功不及何文輝而儒雅過之自少賢富卒之日家無餘貲與文輝竝稱賢將云

郭雲傳

郭雲南陽人武勇有謀略身長八尺餘狀貌魁偉元季聚鄉人爲義兵保裕州白泉砦賊不敢犯累官湖廣行省平章政事及元主北奔河南郡縣皆

續彙卷三十七

三

降明雲獨堅守裕州不從太將軍徐達遣指揮曹諒園之雲猶數出戰及兵敗被執大將軍呵之跪雲植立且罵且求死脅以刃不動大將軍壯之繫送京師既見太祖奇其狀貌命釋縛值方閱漢書問之曰識字乎對曰識因以書授之使讀雲誦其書甚習帝大喜厚加賞賜用爲溧水知縣民皆稱之帝益以爲賢特擢南陽衛指揮僉事兼知南陽府事使還鄉收故部曲就戍其地凡數年卒長子弘年甫十三帝爲下制曰咎之君天下者尤必褒崇忠義故漢高祖封雍齒而斬丁公傳於史冊以

續集卷三十七

四

爲美談郭雲出自田間倡率義旗保障鄉曲敍驅累年竭心所事王師北伐人神響應而雲集一旅之衆數戰不屈執窮援絕終無異志朕嘉其節概試之有司則閭閻頌德俾鎮故鄉則軍民樂業斯可謂純臣矣雖無汗馬之勳倒戈之效治績克著忠義凜然可以子弘入開國功臣列授宣武將軍飛熊衛親軍指揮使司僉事世襲兩職弘母押小人母監武事用承乃父厥惟懋哉

王銘傳

王銘字子敬和州人初隸元帥俞通海麾下從通

海攻元將蠻子海牙於采石以銘驍勇選充奇兵戰方合銘率諸奇兵大噪衝之遂拔海牙水砦自是數有功從通海與吳軍戰於大湖流矢中銘右臂引佩刀出其鏃復戰通海勞之曰爾誠壯士答李陵賢將也其麾下裒創而鬪固立願予何人乃得此於爾復從拔通州之黃橋鵞項諸砦賜白金文綺復從擊漢軍於龍灣逐北至采石銘獨突其隙敵兵攢槊刺銘傷頰銘三出三入所殺傷過當賜文綺銀盃選充宿衛遂從太祖取江州復從破漢軍於彭蠡湖之康郎山又從破之於禁江口尋

續集卷三十七

五

命銘招諭英山諸砦銘乃以意諭守將沈頭陀輩曰爾主連城數十方地萬里精兵百萬樓船數千猶不能自完汝暫保區區等丈之險況能久延哉今大兵四討遺孽不蚤束手歸順將安所逃死且戰且撫徑下英山擢管軍百戶從副將軍常遇春與吳軍戰於湖州之弁山再戰於舊館已又戰於烏鎮凡大小戰數十銘功爲多命守松江移太倉以其兵捕斬倭寇千餘人復賜白金文綺洪武四年都試百戶諸善用槍者率莫能與銘抗進太倉衛管軍副千戶擢長淮衛指揮僉事移溫州銘在

溫上疏曰臣所領鎮岸大海而控島壑城池樓櫓因陋就簡非獨不足以壯國威靈猝有風潮之變捍禦無所執須改爲臣敢以聞於是繕城濬濠其功悉倍於舊又加築外垣起海神山屬郭公山首尾二千餘丈宏敞壯麗屹然稱東浙巨鎮焉帝甚嘉之予世襲銘嘗請告暫還和州溫士女遮道送迎府縣長吏皆相顧失色歎曰吾屬爲天子牧民民視吾屬去來漠不畱意有愧王指揮多矣銘之得人心如此竟卒於溫

武德傳

續集卷三十七

本

武德壽州安豐人元至正中以材略應募爲義兵百戶累功至千戶德知元將亡慨然言於元帥張鑑曰天生吾才堂堂雄萬夫今不卹於東卽挫於西事執可知矣不蚤擇所依一旦與草木同腐爛豈不惜哉鑑然其言遂相率歸太祖以功授千戶分隸李文忠麾下從文忠赴將軍常遇春於池州力疾戰流矢中右股拔去之血流至踵戰自若從取於潛昌化遂從克嚴州賞銀盃一由千戶進萬戶前軍元帥楊完者軍於烏龍嶺德請曰此可襲而取也德願爲前驅文忠問曰何以知其可襲對

續集卷三十七

七

曰築高規之見其郛曲徙舉不安且其聲響是以知之文忠曰善卽襲完者覆其營移兵從取蘭谿又從克諸暨又從攻紹興先登陷敵傷右臂不顧文忠歎曰諸將士人人如武某何戰不捷哉賞米三百斛加銀盃一蔣英叛金華賀仁德叛處州浙東大震從文忠定金華又從攻處州遇仁德兵於劉山德馳當之戰手誅仁德曰若叛逆當死死在流矢尙敢與王師抗邪仁德奮戈刺德中右股德引刀斷其戈追擊之大噉突入諸軍繼之仁德敗走再戰再敗之仁德遂爲其下所殺德還師守嚴後二年定官制改管軍百戶從文忠擊破吳兵於諸暨賞綵繪二段文忠遣從諸將援浦城所過山砦皆下又遣從擊江山盜德直抵其營羣盜大驚徐譬以禍福相率羅拜乞貸死皆撫定之復從文忠下建劔汀三州還師守嚴再從文忠悉定閩谿諸砦由百戶進管軍千戶移守衢尋予世襲賞文綺四襲最後從靖海侯吳禎行邊禎以平陽重鎮外控島壑而察德可屬任命就鎮平陽在鎮八年致事久之帝發兵征雲南以德宿將命與諸大帥偕行始同德來歸者張鑑淮西人善用槍故號長

槍軍既歸太祖太祖每遣鑑攻伐必與德俱先德卒官至江淮行樞密院副使

論曰德直一舉旗陷堅之才且顧能擇主而事可謂知矣及其最功則又僅受中賞不得與佗公侯齒何數奇甚也竊感德所與張鑑言者故爲論次於篇

王溥傳

王溥饒州安仁人仕漢爲平章事守建昌頗著聲績太祖南征嘗命將攻建昌不克未幾院判朱亮祖復擊溥於饒之安人港溥以兵拒戰師遂不利

續纂卷三十七

人

而還漢將李明道等寇信州僉院胡大海往援禽明道及溥弟漢二歸於行省李文忠文忠命二人以書招溥是歲太祖帥師征漢拔江州友諒敗走武昌溥遂遣使來降命仍守建昌明年太祖次龍興率其衆來見數加慰勞命從歸建康賜第聚寶門外號其街曰宰相街以寵異之尋遣溥取撫州及江西未附諸郡縣復從克武昌進中書右丞洪武元年以溥兼詹事府副詹事從大將軍北伐屢有戰功賜文幣七表裏尋擢河南行省平章不畧事歲祿率視李伯昇潘原明云先是溥未仕時奉

其母葉避兵資谿遇亂與母相失不知在亡者凡十八年溥思母切骨夢母若告以所在者命卜者筮之其繇辭曰非巖非穴厥得朽骨及是溥從容言於帝曰臣少孤賴母葉以長以教故臣兄弟得事陛下立分寸功比者蒙恩褒崇三世陛下假寵於王氏甚厚念臣去鄉邑且久儻得賜告歸屢丘墓以伸私情臣不勝至願帝惻然許之且命禮官具祭物給之溥歸率士卒躬詣資谿之桃源山以物色求之不得晝夜號泣者三日既乃得居人吳海能言賊逼時狀謂是時夫人病不能行即投井中歿矣溥又訪得井方疑信次俄有鼠自井中出徑撲入溥懷中旋復入井遂汲井索之母遺屍果在溥哀啼不自勝乃具衣棺卽其地葬之人皆稱溥孝感溥卒子孫世襲指揮同知

李伯昇傳

李伯昇泰州人初與張士誠俱起鹽徒士誠據平江路伯昇官至行省平章事數引兵寇常州長興新城之境及王師伐吳攻湖州士誠遣伯昇赴援伯昇由荻港潛入城與右丞張天驥拒守既而大將軍達達馬國勝以降將呂珍徇於城下語伯昇

出降伯昇在城上對曰張太尉養我厚我不忍倍之搢刀欲自殺左右爭抱持之得不死衆誅伯昇曰執孤援絕太尉且不自保何況公乎不如降也伯昇俛首不能言遂從衆出降平江被圍既久伯昇知其事迫不忍士誠之歿欲說令歸命乃遣所善客踰城詣士誠門告急士誠名之入曰若欲何言客曰吾爲公言與亡禍福之計願公安意聽之士誠曰何如客曰公知天數乎晉項羽喑鳴叱咤百戰百勝卒敗歿垓下天下歸於漢何則是天數也公初以十八人入高郵元兵百萬圍之此時如

續彙卷三十七

十

虎落阱中一旦元兵潰亂公遂提孤軍東取三吳有地千里甲士數十萬南面稱孤此項羽之執也誠於此時不忘高郵之危收召豪傑任以職事撫人民練兵旅有功者賞敗軍者僇使號令嚴明百姓樂附不特三吳可保雖天下不難定也士誠曰足下此時何不言客曰此時雖有言吾知公不吾聽也何則公之子弟親戚將相提兵者自以爲韓白謀畫者自以爲蕭曹惘然視天下不復有人方且美衣玉食歌童舞伎日夕酣宴而莫之倦當此之時公漢居於內敗一軍不聞失一地不知縱知

亦不問故其事至此士誠曰吾甚悔之足下將何以教我客曰吾有一策恐公不能從也士誠曰不過歿耳客曰使歿有益於國家有利於子孫歿固當不則徒自苦耳且公不聞陳友諒乎跨有荆楚戴甲百萬與江左之兵戰於姑熟鏖於彭蠡友諒舉火欲燒江左之船天乃反風而焚之友諒兵敗身喪何則天之所興人力固無如之何也今者敵攻我益急公始恃湖州援湖州失嘉興援嘉興失杭州援杭州又失矣獨守此尺寸之城誓以死拒吾竊慮執極患生猝有變從中起公雖欲速歿不

續彙卷三十七

十

可得也故吾以爲莫若順天之命自求多福遣一介之使疾馳金陵稱公所以歸義救民之意開城門幅巾待命最下當不失萬戶侯況嘗許以賓融錢俶故事乎且公之地譬如博者得人之物而復失之於公何損士誠仰視良久曰足下且休吾將思之然徑不降也平江破大將軍復遣伯昇詣士誠所諭意伯昇諭之再四士誠終不應士誠縊伯昇復促解之語在士誠傳至京師太祖命伯昇仍故官洪武元年進中書平章兼同知詹事府事等命征守陝西三年以功賜文綺及帛十六段帝欲

優待之使食平章祿不署事五年以征南右副將軍率兵討靖州五谿諸蠻寇平之帝甚嘉焉十三年命往理漳州軍務無何復遣使召還卒於京師子孫世襲指揮僉事

擬明史列傳卷七終

續彙卷三十七

三

康熙乙丑夏五月同里周公贊校字

鈍翁續彙卷三十八目錄

列傳卷八

宋 濂

子璉

陶 安

孔希學

父克堅附族孫公恂

從子諤

楊元果

既弘道附

范常

危 縈

許存仁

劉承直附

曾 魯

鄭 湜

弟清附

徐宗實

續彙卷三十八目錄

一

鈍翁續彙卷三十八目錄終

擬明史列傳卷八

別彙八

宋濂傳

宋濂字景濂其先金華之潛谿人至濂乃遷浦江始師吳萊先生受其學已又游柳文肅公貫黃文獻公潛之門兩公皆大儒亟遜濂自謂弗如也於是學者悉稱濂潛谿先生元至正中薦授翰林院編修辭不行徑入龍門山著書踰十餘年太祖取建康遣使者辟濂濂始歎曰吾聞大亂極而真人生斯其時矣遂與青田劉基等俱入見帝尊禮之除江南等處儒學提舉兼命授皇太子經筵改起居注濂長於基一歲皆起東南負重名於時然基雄邁有奇氣數求爲世用而濂尤雍雍自命儒者不肖矣有所合既俱被徵基遂佐軍中謀議濂亦首用文學受知恆侍帝左右備顧問嘗召講春秋左氏傳濂進曰春秋乃孔子褒善貶惡之書苟能遵行則賞罰適中天下可定也已御端門帝口釋黃石公三略進曰尙書二典三謨帝王大經大法畢具願畱意講明之已又論賞賚復曰得天下以人心爲本人人心不固雖金帛充牣將焉用之帝悉稱善未幾以疾告歸帝與皇太子竝加勞賜濂上

續彙卷三十八

一

續彙卷三十八

三

箋稱謝并奉書太子勉以孝友敬恭進德修業以副天下之望帝覽書大說召太子爲語書意遂賜札褒荅焉洪武二年召充元史總裁官除翰林院學士知制誥兼修國史濂雖用文學進然在帝側遇事輒有所規益未嘗依違順旨會甘露屢降帝問災祥之故對曰受命不於天於其人休符不於祥於其仁春秋書異不書祥爲是故也皇從子文正得皇進曰文正皇固當歿陛下體親親之誼置諸遠地則善矣帝又語及神僊對曰漢武好神僊而方士至梁武好佛而異僧集使移此心以求賢天下其有不治乎車駕祀方丘患心不寧濂從容曰養心莫善於寡欲審能行之則心清而身泰矣帝稱善者良久其明年遷國子司業又明年坐事謫安遠知縣五年召爲禮部主事遷太子贊善大夫問以帝王學問之要濂請觀大學衍義乃命大書揭之殿兩廡壁頃之御西廡諸大臣皆在帝指衍義中司馬遷論黃老事命濂講析濂既如諂因曰漢武溺方伎之學喜塞外之功民力旣敝然後嚴刑督之臣竊謂人主能以義理治心則邪說不入以學校治民則禍亂不興刑罰非所先也問三

代歷數及封疆修短廣狹既備陳之復曰三代之治天下以仁義故多歷年所後世莫及又問三代以上所讀何書對曰上古載籍未立人不專講誦君人者兼治教之責以躬行率之則眾胥化矣濂之隨事納忠皆此類也未幾又遷翰林侍講學士欲使參大政辭曰臣少無佗長惟文墨是習奉待皇禁近足矣由是帝益重之濂性朴誠加小心周慎官內庭既久從不計人之過帝多暴怒在側者輒惶懼失度不知所出濂獨察間以一言解之帝亦未始不嘉納也所居室署溫樹二字客有問禁

續集卷三十八

主

中語者卽指示之值方與客飲帝密使人偵視翼日問濂昨者飲酒否坐客爲誰所進何具濂悉以實對帝喜曰誠然卿不欺朕也間召問羣臣臧否惟舉其善者且曰善者與臣交故臣知之佗則不能知也有奏書萬餘言者帝厭其迂衍議欲擢之以問廷臣或指其書曰此不敬此誹謗非法復以問濂對曰彼盡忠於陛下故耳陛下方開言路惡可淺擢旣而帝覽其書有足采者悉召廷臣詰責因字呼濂曰微景濂幾悞臯言者於是帝廷譽之曰朕聞太上爲聖其次爲賢其次爲君子宋景濂

事朕十有九年必誠必謹始終無二非止君子抑可謂賢矣故久而愈益親信每燕見必設坐命茶每旦必令侍膳往復咨詢常夜分乃罷所以恩藉之甚至濂雅不善酒帝嘗強之至三觴行不成步帝大歡樂御製楚辭一章并命侍臣咸賦醉學士詩又嘗躬調甘露於湯手酌以飲濂諭之曰此能愈疾延年故願與卿共之又詔太子賜濂良馬復爲製白馬歌一章亦命侍臣和焉其寵待如此九年復擢學士承旨其明年致仕賜綺帛若干問濂卿年幾何矣曰犬馬齒六十有八帝乃曰藏此綺

續集卷三十八

四

三十二年作百歲衣可也濂頓首謝又明年來朝十三年以長孫慎復舉安置茂州濂狀貌豐偉美須頰於學無所不通爲文醇淡演迤與古作者並狂朝一切郊社宗廟山川百神之典朝會宴享律曆衣冠之制四夸貢賦賞勞之儀劄及元勳巨卿碑記刻石之辭天子咸以委濂屢推爲開國文臣之首士大夫造門乞文者後先相踵外國貢使亦知其名數問宋先生起居無恙否高句驪安南日本至出兼金購濂文集四方學者悉稱爲太史公不以姓氏雖白首侍從其勳業爵位不逮誠意伯

基而一代禮樂制作多屬濂所裁定聲譽煇然播聞海外卽基猶遠不敢望也其明年卒於夔年七十二矣先是濂之謫安遠也坐議孔子廟制失旨然濂又有私議一篇其說皆本於禮略曰世之言禮者率取法孔子然則爲廟以祀之其可不稽於古之禮乎柰何今之人與古異也古者將祭主人朝服卽位於阼階東西面尸出入降立於阼階亦東西面此皆主人之正位也卒禋主人盥升自阼階祝先入南面主人從尸內西面祝酌奠主人西面再拜稽首皆爲几筵之在也尸升筵主人西

續彙卷三十八

五

面立於尸內拜妥尸尸酢主人主人西面奠爵拜皆爲尸之在也開元禮亦謂先聖東向先師南向三獻官皆西向是猶未失古之意也今襲開元二十七年之制遷神南面則非神道尙右之義矣古者造木主以栖神天子諸侯廟皆有主大夫束帛士結茅無像設之事開元禮亦謂設先聖神坐於堂上西楹間設先師神坐於先聖坐東北皆以莞則猶埽地而祭也今襲開元八年之制搏土肖像則失神而明之之義矣古者灌用鬯臭鬱合鬯吳陰達於淵泉旣灌然後迎牲蕭合黍稷臭陽達

續彙卷三十八

六

於牆屋旣奠然後燭蕭合壇鄉蓋求神於陰陽也今用熏蕕代之庸非簡乎古者有大事皆設庭燎司烜共之火師監之以爲不若是則不嚴且敬也今用秉苴當之庸非質乎古之有道有德者使教焉歿則以爲樂祖祭於瞽宗此之謂先師若漢禮有高堂生樂有制氏詩書有毛公伏生之類也又凡始立學者必釋奠於先聖先師釋奠必合有國故則否謂國無先聖先師奠當與鄰國合若唐虞有夔伯夷周有周公魯有孔子則各自奠之不合也當時學者各自祭其先師非其師弗學也非其學弗祭也學校旣廢天下莫知所師孔子集羣聖之大成顏回曾參孔伋孟軻實傳孔子之道尊爲先聖先師而通祀於天下固宜也其餘當及其邦之先賢雖七十二子之祀亦當罷去而於國學設之庶乎其弗悖禮意與今則櫟實而妄列甚至荀況之言性惡揚雄之事新莽王弼之宗老莊賈逵其中吾不知其說也古者立學專以明人倫子雖齊聖不先父食久矣今一切眞而不講回參伋子也配享堂上路點鯉父也配食廡閒張載則二程

之表叔父也乃坐其下顛倒彝倫莫斯爲甚吾又不知其說也古者士之見師以菜爲摯故始入學者必釋菜以禮其先師其學官四時之祭乃皆釋奠今專用春秋矣釋奠有樂無尸釋菜無樂是二者之重輕係乎樂之有無耳今則襲魏漢津大晟之樂乃先儒所謂亂世之音者也其可乎哉古者釋奠釋菜名義雖存而其儀不具開元禮彷彿儀禮饋食節文爲詳三獻各於獻後飲福卽尸酢主人主婦及賓之義也今憚其煩惟初獻者得行之其可乎哉嗚呼學校者禮之所自出乃外繆至是

續彙卷三十八

七

佗可知矣至於廟制之非宜冕服之無章器用之樸乎雅俗升降之昧乎左右則尤更僕未易數也議出諸儒趨之顧訖明世竟不及盡從云正德中追謚文憲仲子璵最知名

璵字仲珩善詩尤工書法洪武九年以濂故名爲中書舍人其兄子慎亦爲儀禮司序班帝數試璵與慎并教誡之笑語濂曰卿爲朕教太子諸王朕亦教卿子孫矣濂或奏事久不能起帝必命璵慎扶掖之祖孫父子共官內廷衆皆以爲榮慎坐胡惟庸黨璵亦連坐竝死建文帝卽位追念濂舊學

名璵子懌復官翰林而濂門人樓璉鄭楷亦次第擢用璉自有傳

論曰當濂之受知於帝也優游禁近非堯舜之道不陳觀其奏對往往往諷而不失乎正蓋所以匡救將順者微矣卒能大展所學潤色鴻業俾有明制度煥乎出兩漢上區區叔孫通桓榮之徒曷足道哉曷足道哉

陶安傳

陶安字主敬當塗人少敏悟有大志博涉經史嘗從耆儒李習游元至正初舉江浙鄉試授明道書

續彙卷三十八

八

八

院山長換高節書院避亂家居太祖取太平安與李習率父老出迎安見帝狀貌謂習曰龍姿鳳質非常人也吾輩今有主矣帝召安與語時事安獻言曰方今海內鼎沸豪傑竝爭攻城屠邑互相雄長然其志皆在子女玉帛非有撥亂救民安天下之心明公率衆渡江神武不殺以此順天應人徧行弔伐天下不足定也帝曰善吾欲取金陵何如安曰金陵古帝王都龍蟠虎踞限以長江之險若取而有之據其形勝以臨四方則何向不克帝又曰善授安元帥府令史亦授習太平知府習字伯

羽年八十餘矣卒於官安遂從入建康調行省都事擢左司員外郎進郎中帝既得劉基宋濂章溢葉琛四人問安四人者何如對曰臣謀略不如基學問不如濂治民之才不如溢琛帝多其能讓克武昌命安爲黃州知府安性寬仁長於吏治既至黃輕徭薄稅招徠流亡民賴以樂業視事三年移知饒州治如其故是時方急軍興安善諭所部輸之軍中賴以無乏信州盜蕭明攻饒安督吏人拒守且登城諭賊衆曰若皆良民奈何反爲賊用衆泣曰使官府悉如太守吾寧至於此城卽破保

續集卷三十八

九

不相害也會援師至賊遂敗去諸將欲屠鄉民從賊者安不許曰彼爲所脅耳奈何殺之由是民得以完帝嘉其功賜詩褒美焉視事三年入朝饒人歌之曰千里榛蕪來之初萬姓耕闢侯去之日旣而復命知饒饒人復歌之曰湖水悠悠侯澤之流湖水有塞我思侯德立生祠尸祝之吳元年初置翰林院首召安爲學士於是方徵四方宿儒集闕下議禮命安爲總裁官已又修律令復命爲議律官洪武元年帝御東閣與章溢等侍側命安論前代興亡本末帝曰喪亂之原未有不由驕佚者

也聞卿論此漢儆朕心古者今之鑑豈不信與又嘗論學術安因對曰道之不明邪說害之也帝曰邪說害道猶美味之悅口美色之眩目鮮不爲所惑者邪說不去則正道不興天下何從而治安頓首曰陛下誠撥本至論也旣爲議禮總裁遂與省臣條上郊社宗廟諸議請分祭天地於南北郊日冬至祀天圓丘以嶽鎮海瀆從祀宗廟則四代各爲一廟四孟及歲除凡五享孟春特祭於太廟餘合祭於高祖廟社稷則仲春仲秋上戊日凡兩祀安

續集卷三十八

十

復奏古者天子大社必受霜露風雨以達天地之氣若亡國之社則屋之不受天陽故也今枌屋非禮或祭而遇風雨當於齋宮望祭帝皆從其言安事帝十餘歲視諸儒爲最舊及官侍從其承寵遇愈渥至御製門帖子以賜褒美有加御史或言安隱過帝詰曰朕繁知安安寧有此且若安從聞之曰聞之道路帝大怒曰若取道路言毀譽人以此爲盡職乎立黜御史旣又命安爲江西行省參知政事從容勞之曰自卿首謁軍門爲朕陳王道論時務固已渙契於衷繼是而往敷歷中外裨益良

多茲念江西上游都會撫治者實難其選朕故以命卿安對曰臣微陋所處奉職無狀敢不竭力以報至江西政績益著四年卒於官疾劇猶草上時務十二事贈姑孰郡公安所學尤長於易諸儒稱其筮驗若神云方國初之議諸禮也是時宋濂方以外艱家居其儀率經安裁定大祀禮專用安議祫禘禮用詹同齋戒禮朱升五祀禮崔亮朝會禮劉基祝祭禮魏觀軍禮陶凱最後復有所改易焉語在禮樂志

論曰太祖之渡江也三吳豪傑未有至者而安獨

續集卷三十八

主

先迎謁力贊大計卒之無一不讎非王佐之才能之乎管鄧禹追光武於鄴下房元齡調太宗於軍門竝以一言合意遂爲元勛安始兼之矣以擬劉宋斯亦其流亞也

孔希學傳

孔希學字士行孔子五十六世孫祖思晦奉母以孝聞仕元爲寧陽學教諭仁宗時訪求孔子世適平章李孟具以思晦對遂封衍聖公思晦數子克堅嗣克堅卽希學父也爲人豐頤秀額通春秋左氏傳順帝用薦者言徵爲同知太常禮儀院事以

爵傳希學旣而克堅官集賢直學士亦徵希學授祕書監卿值劇盜毛賚犯畿輔廷議遷都關中克堅爭曰天子當與社稷宗廟俱存亡奈何弃而佗之今勤王兵方四集可一戰平也其後卒如克堅言克堅累遷國子祭酒以世亂不樂仕父子相率弃官歸鄉里明師抵濟寧克堅謝病使希學迎謁大將軍於軍門大將軍徐達禮重之遣詣京師太祖召見希學訪以古今治道奏對稱旨因諭曰爾父果有恙乎希學曰主臣臣父實病不能行乃使使者齋戒起克堅而會克堅亦已力疾抵淮安遂

續集卷三十八

主

偕使者至覲帝謹身殿帝以老秀才喟之從容慰勞曰爾年幾何對曰臣犬馬齒五十有三帝曰爾年未耄而疾嬰之朕不煩爾以官爾家先聖後其不可不務學爾宜教誨爾子暨爾族人俾知進學以振揚爾祖之道則儒術有光矣克堅頓首謝卽日賜第一區馬一匹米三十斛翼日又名見顧謂侍臣曰朕不授孔克堅官者欲優崇先聖後故養之以祿而不責以事也於是命希學襲封衍聖公如故且置衍聖公官屬六人竝從希學選舉帝待克堅父子以賓禮郊社必致膳肉歲時齊問不絕

洪武三年克堅疾篤特詔中官臨視賜金綺遣還
薨於道希學既服闋歲一朝京師班次丞相希嘗
問希學曰爾上距爾祖幾何年矣對曰近二千年
矣帝曰世代綵遠如此而人尊禮如一日何也爲
爾祖明綱常興禮樂傳至萬世其道不可廢也且
聖人無所不學故得爲聖如游實之對雖童謠尚
識之況道德之奧乎爾其勤學不怠毋孤朕望希
學頓首謝希學兼通經史文辭典瞻每賓客讌集
輒談笑揮筆其章立就又工隸書得者率皆藏去
家居復祭田爲豪民所侵者五十頃禮器禮服樂

續彙卷三十八

圭

舞儀式悉以次修舉士大夫無不稱之始元仁宗
以思晦爲中議大夫予四品印最後進嘉議大夫
改三品印帝既命希學襲封乃謂禮部官曰孔子
萬世帝王之師今其後嗣秩止三品弗稱褒尊孔
子之意因授秩二品鑄銀印賜之其誥則視一品
云希學薨子訥嗣傳十世 皇清順治初仍 命

謬字貞伯舉永樂六年鄉試明年會試乙榜第一
時仁宗方以太子監國謂侍臣曰孔氏子姓在本
朝未有仕者何不以進士取此人侍臣皆曰考校

者不容徇私也吏部將除謬學官仁宗召見賜冠
帶命送國子監肄業未幾春坊缺左中允仁宗顧
謂東宮官曰中允官幾品曰正六品仁宗曰孔謬
可因授左中允俾教皇子諸王賜第一區及佗器
物甚具謬師道嚴正一無所阿嘗授中庸補注三
篇繕彙以進仁宗嘉之尋轉大理寺評事洪熙初
改監察御史巡按江西遼東所至皆著風采出爲
河南按察司僉事卒於任

續彙卷三十八

南

公恂字宗文中景泰中會試適聞母疾遂不赴廷
對帝知之問禮部官曰孔公恂何以不至禮部具
以故對乃遣使召之入於是日將午矣試卷不及
備命翰林院給以筆札既登第即丁母艱歸天順
初補禮科給事中久之詹事府缺左右少詹事帝
愼擇其人有以公恂及春坊右贊善司馬恂薦者
因而授是官帝還宮大喜謂孝肅皇后曰朕爲汝
子得兩賢臣爲輔孔公恂聖人之後也司馬恂賢
人之後也孝肅皇后者憲宗生母是時方以皇資
妃有寵於帝於是具冠服拜謝中官謹傳以爲盛
事憲宗卽位改大理寺左少卿尋復以少詹兼左
諭德坐言事謫漢陽知府遭父艱不行服闋復以